





PROCEZ DV P A P E

contre le Roy.

IL n'y eut iamais Maistre, Prince ny Roy, qui ne fust subiect à estre mal seruy, blasmé, pillotté: mais cela se faict volontiers en derriere. Qu'un valet attrache la barbe à son maistre, ou la bourse d'entre ses mains, qu'un subiect crache en la face de son Roy, luy tire publiquement le plus beau ioyau de sa Couronne, c'est vne insolence monstrueuse. C'est ce que n'aguere a fait le Pape par ces supposts. A la face du Roy, dans sa ville capitale, à la teste de ses gardes, de son Parlement, de ses Estats, de ses Princes du sang on luy a contesté denié, arraché le plus beau fleuron de sa couronné *Iac. Aug. Thuan. 2. hist. l. 18*. Desia l'an 1561. Tanquerel, abusant du bas aage du Roy Charles IX. auoit en ses theses couché les pretentions du Pape, pensant les soustenir en la Sorbonne: mais le Parlement l'y porta si vertueusement, que Tanquere l'abandonné par la Sorbonne fut contrainct de s'absenter, & se desdire le 12. Decembre 1561. à teste nue, par procureur, la proposition estant qualifiée l'erreur introduict par Boniface VIII. & condamné apres sa mort. Mais à present nos desordres avec le bas aage du Roy ont donné l'audace à ses mauuais, ingrats, desloyaux seruiteurs de faire vn affront à la France, dōs elle s'estoit iusques icy genereusement garentie. O Dieu, ne rendras-tu point à Babel selon son orgueil? Icy est la patience des Saints. Mais en attendant que Dieu luy rende son loyer, considerons

les deportemnes, afin que nul ne doute de ses qualitez. On a de suite massacré deux de nos Roys, sous tiltre qu'ils ne plaisoient pas au Pape, qui se donne pouuoir d'oster aux Roys leur couronne. Que s'il ne peut leur oster la couronne sans la teste que s'ensuit-il, sinõ que la teste leur soit ostee plustost que de leur laisser la couronne, si tost que lon les croit estre deplaisans à celuy qu'on qualifie Roy des Roys? S'il dit le mot, on pretend que ce sont arrests du ciel, qui doiuent estre suivis d'un coup du ciel. Ainsi fut par le Legat, par le Pape Sixte cinquiesme qualifié le coup de Jacques Clement. Quand le Pape ne dira mot, si queicun de ses confidens parle pour luy, c'est assez à ceux, qui seruans aux passions de ce Tyran pensent seruir à Dieu. Pour preuenir ces mal'heurs, à Paris plus de trois cens des meilleurs seruiteurs du Roy firent le vingt cinquiesme Iuillet 1610. vn article, qui, sans parler du Pape. maintiẽt au Roy le droit que l'Escripture luy donne, sçauoir que nul n'a droit en terre de luy raiuir sa vie, ny sa couronne. Iusques là nous auions bien veu plusieurs luy cõtester ce droit par escrits, mais imprimez plustost de hors que dedans le Royaume. Escrits que le Parlement a iustement condamnez comme libel. les diffamatoires, crimes de leze Maieité, seminaires d'embrasement. Mais au Roy luy contester en face le droit inalienable de sa couronne, luy maintenir qu'un estranger à pouuoir de la luy raiuir, cela estoit inouy. La posterité ne sen souuiendra iamais sans horreur, sans execration voyons l'article contredit avec tant d'aigreur & d'impudence. Cestoit le premier article du Cahier de Paris & Ile de France, qui portoit : *Que pour*

arrester le cours de la pernitiense doctrine, qui s'introduit depuis quelque annees contre les Roys & puissances souveraines, establies de Dieu, par esprits seditieux, qui ne tendent qu'à les troubler & subvertir. Le Roy sera supplié de faire arrester en l'assemblée de ses Estats, pour Loy fondamentales du Royaume qui soit inviolable & notoire à tous: Que comme il est recogneu souverain en son Estat, ne tenant sa couronne que de Dieu seul, il n'y a puissance en terre quelle qu'elle soit, spirituelle ou temporelle, qui ait aucun droit sur son Royaume pour en priver les personnes sacrees de nos Roys, ni dispenser ou absoudre leurs subiects de la fidelité & obeissance qui ls luy doiuent, pour quelque cause ou pretexte que ce soit. Que tous les subiects de quelque qualité & condition qu'ils soient, tiendront ceste Loy pour sainte & veritable, comme conforme à la parole de Dieu sans distinction, equivoque, ou limitation quelconque, laquelle sera iuree & signee par tous les Deputez des Estats: & d'oresnavant par tous les beneficiers & Officiers du Royaume, avant que d'entrer en possession de leur benefices, & d'estre receus en leur offices: Tout Precepteurs, regens, Docteurs, & Predicateurs tenus de l'enseigner & publier: Que l'opinion contraire, mesmes qui soit loisible de tuer & deposer nos Roys, s'esleuer & rebeller contre eux, seouer le ioug de leur obeissance, pour quelque occasion que ce soit, est impie, de testable, contre verité, & contre l'establissement de l'Estat de France, qui ne depend immediatement que de Dieu. Que tous livres qui enseignent telle fausse & perverse opinion, seront tenus pour seditieux & damnable; Tous estrangers qui l'escriront & publieront, pour ennemis iurez de la couronne: Tout subiects de sa Maïesté, quoy adhereront, de quelque qualité & condition qu'ils soyent, pour rebelles: infra-

Et de loix fondamentales du Royaume, & criminels
 de leze Maieſté au premier chef: Et ſ'il ſe trouue aucun
 liure ou diſcours eſcrit par eſtranger Eccleſiaſtique ou
 d'autre qualité, qui contienne propoſition contraire à la
 dicte Loy, directement ou indirectement, ſeront les Ec-
 cleſiaſtique des meſmes ordres eſtablis en France obligez
 d'y reſpondre, les impugner, & contredire inceſſam-
 ment ſans reſpect, ambiguïté ny equiuocation, ſur peine
 d'eſtre punis de meſmes peines que deſſus, cōme fauteurs
 des ennemis de ceſt Eſtat. Et ſera au premier article leur
 par chacun an, tant aux Cours ſouueraines qu'aux Bail-
 liages & Senechauffees dudit Royaume, à l'ouuerture
 des Audiences, pour eſtre gardé & obſerué avec toute
 la ſeuérité & rigueur. Le quinzième Decembre
 le Tiers Eſtat approuue ceſt article comme neces-
 ſaire pour la conſervation de la vie & couronne de
 nos Roys. Le xx. Decembre l'Archeueſque d'Aix
 l'impugne par blaſphemes. La verité (dit-il) beſt va-
 cillante, la verité qui eſtoit le Fils de Dieu auoit beſoin
 de l'appuy des hommes. L'Eueſque de Mōtpellier de
 meſmes, c Nos prieres & merites ouurent le ciel, que
 vos demerites auoient germé. Et, dit-il, d Pourquoi ne
 nous faites vous part de ceſte propoſition afin d'en faire
 vn article tout enſemble, qui ſeroit mis en lettres d'or au
 front du Cahier? Ainſi diſoient les ennemis de Iuda,
 e Eſdr. 4. Que nous baſtiſſions avec vous, bien qu'ils n'euffent
 autre deſſein que d'empêcher le baſtiment. Les
 Deputez de la Nobleſſe auoient charge de dreſſer
 vn pareil article que celui du Tiers Eſtat. Le Clergé
 les auoit diuertis. Pour les deſtourner d'autant plus
 du deuoir qu'il doiuent rendre au Roy, le dernier
 jour de l'an 1614. le Cardinal du Perron leur dict,
 f La vertu de la fortitude eſt la plus haute. Si g le ciel tō-

Arreſts du

Tiers eſtat

imprimez

à Paris

l'an 1615.

a pag. 8.

b pag. 22

c p g. 23.

d pag. 25.

e Eſdr. 4.

2.

f pag 30.

g pag. 31.

5

boit, vous le soustiedriés de vos lances. Voila biē com-
mencé pour vn bon flateur, mauuais François.
Ce qui a faict plus admirer ce Cardinal, c'est sa me-
moire. Cependant ayant oublié vne des plus im-
portantes distinctions en ce suiet, il s'en excuse di-
sant? h l'ay tousiours craint que ma memoire ne me trō- ^{h pag. 32.}
past. Mais en cē poinct la memoire l'a trompé d'v-
ne façon, qui ne conuient qu'aux aduocats d'vne
mauuaise cause. Tantost il dit que la. ¹ question est ^{i pag. 32.}
problematicque. que, l'vne & l'autre opinion se peut sou-
stenir par l'Ecriture., que la proposition du tiers Estat ^R ^{i pag. 36. 1}
ne tēd qu'à la conseruatiō de nos Rois, Tantost il dit de
leur article que ^m tous ceux qui le croyent sont hereti- ^{m pag. 3.}
ques & damnez. Avec ⁿ nos lances nous auons soustenu ^{n pag. 31.}
le ciel qu'on vouloit abattre, On vouloit abatre le ciel
par la proposition d'vn article, le plus dangereux, le plus
pernicieux qui fust iamais. Quoy? iamais, à son con-
tre, Payen, iamais Athee ne fit proposition si per-
nicieuse que celle du Tiers Estat.

*Il nous appartient pas de decider ce que tous doi- Du Perron
uent croire. pag. 32.*

Ceux du tiers Estat ne requierent pas que toute
monde, mais que toute la France de clare qu'elle
approuue leur article.

*L'Espagne, l'Italie, l'Allemagne, Pologne, Suede Du Perron
tiennent le contraire. ibidem.*

Il n'y a Roy, qui n'ait quelques mauuais serui-
teurs & subiects desloyaux. Mais il n'y a Roy, qui
ne desirast trouuer d'aussi bons seruiteurs que ceux
du Tiers Estat, qui n'en trouue plusieurs, com-
me appert par les Canons des Conciles de Toledē,
Meaux, Mayence, Oxford, Constance, que le Tiers
Estat a faict imprimer conformes à son article.

Du Perron Childebert ou Clotbaire ayant tué le Seigneur d'Yue-
pag. 32. & tot dans l'Eglise le iour du grand Vondredy, il fut inter-
48. dict par le Pape Zacharie, & pour estre rehabilité, &c.

C'est Clothaire, non Childebert, qui tua Guauthier Seigneur d'Yuetot. Il n'eust que faire avec Zacharie, qui vint au Papat l'an 741. mais peut estre qu'Agapet, qui deceda l'an 536. deuant que de mourir donna lettres de recommandation au Roy Clothaire pour le dict Guauthier, lequel s'estoit absenté quelque dix ans, faisant la guerre aux ennemis de la foy, dit Gaguin, Du Haillan interpretant cela des Sarrafins, n'a pas esgard au temps, Les Sarrafins se firent ennemis de la foy sous Mahomet l'an 922. Guauthier ne vint en Cour que l'an 536. où le Roy l'ayant apperceu, transporté de colere pour les rapports qu'on luy en auoit faiçts dix ans auparauant, le tua sur le champ, sans auoir esgard au temps, aulieu, ny à la lettre que luy presentoit Guauthier de la part d'Agapet, qui ne peut pas s'en plaindre: car il mourut trop tost apres Guauthier. On ne mit le Royaume ny le Roy en interdict, comme pretend le Cardinal: on ne l'en menaça point, comme pretend Sponde apres du Haillan, mais bien le Roy fut menacé d'excommunication, dit Gaguin, soit par quelque Pape, soit par les Euesques de France. Vn seul Nicet Euesque de Treues sans aller à Rome, excommunié le mesme Clothaire plusieurs fois, dit Baronius l'an 565. apres Gregoire de Tours. Mais ny Nicet, ny les Papes lors nesçauoient que c'estoit de mettre les Royaumes en interdict, ny de deposer les Roys: Ainſi ce vieil Cardinal a raison de confesser qu'en l'histoire il est fort apprenſy: renuoyons luy donc

son Prouerbe, Le Cardinal n'a pas plus de raison en ce qu'il adioust de S. Bernard & d'Anastase. Car S. Bernard a creu qu'un roy vicieux peut estre interdit de la sainte Cene, mais non pas de son Royaume, qui est l'encreud de la question. L'Empereur Anastase ne fut point par le Pape Symmachus interdit de son Royaume, mais seulement excommunié l'an cinq cens deux, & Vitalien ne se souleua contre luy, sinon l'an 514. & ce meschamment & malheureusement.

Alleguer ces rebellions sans les detester, c'est les autoriser, En fin Anastase fut destruit l'an 518. non par le foudre Pontifical donné seize ans auparavant, mais par le foudre du ciel. Ce Cardinal commettant tant de faussetez & tant de fautes en l'histoire, a il point honte de reprocher à Monsieur le Chancelier Hospital lumiere de son aage, qu'il estoit ignorant en l'histoire?

Nos Rois ont tousiours defendu & maintenu le Pape en la possession de ceste doctrine mesme au Concile de Lyon, où fut depose l'Empereur Frederich, au Concile de Latran. Du Perron pag. 33.

Iamais nos Rois n'ont accordé au Pape qu'il ait pouuoir ny droit de les deposer; anis lors qu'il l'a entrepris, Philippes le Bel, Charles huitiesme, Louys douzieme, luy ont vertueusement resisté. Quant à l'Empereur d'autant qu'il est electif, c'est vne autre question. Au Concile de Latran tenu l'an 1215. ne fut point question des Rois, mais des Princes qui sont au dessous des Rois, auxquels le Concile defendoit de soutenir les Albigeois, sur peine de priuation de leurs seigneuries, qui fut executé contre Raimond Comte de Thou.

loule. Mais Pierre Roy d'Arragon les ayant soustenus ne fut point pourrant depose de son Royau-
me.

Du Perron pag. 24. Lors que les Empereurs Grecs vindrent à se separer de l'Eglise, les Papes faisoient difficulté de leur faire refuser le tribut qu'ils preuoient en Italie, iusques à ce qu'ils en furent pressés par nos Rois.

En peu de lignes deux faussetez. L'Empereur Leon III. ne s'estoit nullement separé de l'Eglise, mais voulant bannir de l'Eglise l'idolatrie qui s'y fourroit, le Pape Gregoire deuxiesme, non à la suscitation de nos Rois, mais de son propre mouuement incita les Italiens à se reuolter meschamment contre leur seigneur & Prince l'an. 726.

Ibidem.

L'Empire d'Allemagne n'a esté separé de celuy des Grecs qu'en faueur de nos François, qui firent recognoistre le Pape souuerain de Rome.

Deux faussetez de rechef. Les papes n'ont point separé l'Empire d'Allemagne de celuy des Grecs, mais il y auoit plus de trois cens ans qu'il ny auoit point d'Empereur en Occident, lors que le Pape Leon III. ou plustost le peuple Romain l'an 800. l'aduitta de donner le titre d'Empereur & Patrice Romain à Charles Magne, qui lors n'en receut que le nom. Quant à la chose, luy mesme l'auoit conquise par armes, Luy, ny son pere Papin ne firent point recognoistre le Pape souuerain de Rome. Il ne l'auoit iamais esté, & ne le fut de long temps apres. Mais ils donnerent Rome tellement au Pape, qu'ils s'en reseruoient la souueraineté, la quelle depuis les Papes ont emblee.

Ibidem.

L'une & l'autre opinion se peut soustenir par la S. Esriture.

Ainsi

Ainsi dit-il souuent que c'est vne question problematique Ainsi l'an 1611. il maintenoit estre problematique la question, sçauoir, Si le Pape est par dessus le Concile. Et cependant il dit à ceux du Tiers Estat, que leur proposition est contraire à la Parole de Dieu. Pirrho par raisons se mesloit de prouuer le pro & le contra. Le Cardinal du Perron penso faire le mesme par l'Escripture : Mais, dit S. Paul, Nostre parole n'a point esté enuers vous, Ouy & Non La doctrine du Tiers Estat se peut fort bien soustenir par l'Escripture, celle du Cardinal nullement.

p. 32. 46. 47

p. 54.

2. Cor. 1. 13.

Plusieurs Princes ont esté deposez par le Grand Pontife, comme Samuel, Ohas.

Du Perron p. 34.

Samuel n'a point déposé Saul : mais comme Prophete, & non comme sacrificateur, luy a déclaré que Dieu l'auoit rejeté, & a oinct Dauid. Dauid pour cela & tout Israef n'a pas laissé de tenir Saul pour Roy iusqu'à sa mort. Ohas a esté par le Sacrificateur repoussé du temple : mais Dieu l'ayant frappé de lepre, luy-mesme se retira & donna la regence à son fils.

Ceste doctrine a esté authorisée par ce qui s'est fait en dix Conciles.

Du Perron pag. 34.

De ces Conciles, le premier se tint l'an 1076. depuis ce temps-là, quels ont esté la plus part des Conciles que les Papes ont tenus? N'estoient-ce pas purs macquignonages, volleries, brigadages?

Ceux de la religion traduisent le Prince estant en estat.

Du Perron pag. 34.

Non, Geneue traduit; Les puissances qui sont en estat sont ordonnee de Dieu, voulans dire que les Royaumes & Empires, qui lors subsistoient, estoient ordonnez de Dieu, qu'encores que Neron fut Payen

Rom. 13. 1.

tyran, montreusement vicieux, neantmoins on luy deuoit obeyssance, comme ayant sa puissance de Dieu.

*Du Perron
pag. 34.*

Neron lors de sa mort n'estoit plus en estat.

• Ceux qui se sont reuoltez contre Neron ont mal faict. Vindex fut iustement opprimé dès le commencement de sa reuolte, Galba ne iouyt que six mois de l'Empire qu'il auoit volé à Neron. Mais l'Empire estant en quelque sorte electif, le Senat & la gendarmerie auoit plus de droit pour oster vn Tiran soit d'vsurpation, soit d'administration, que n'a pas en France vn Parlement de Paris, vn Connestable, vn Colonel d'infanterie, ny aucun autre dans le Royaume, beaucoup moins dehors.

*Du Perron
ibidem.*

Ceste doctrine a tousiours esté tenue problematique.

Elle n'a iamais esté tenue telle. L'an 1079. Gregoire VII. maintient en Concile qu'il auoit pouoir de deposer les Roys & Empereurs: & depuis luy tous les Papes l'ont ainsi maintenu. Tous les bons François les en ont demenry, notamment nos Roys Philippes le Bel, Charles VIII. & autres.

*Du Perron
ibidem.*

Cest article a esté fabriqué à Saumur & en Angleterre y a plus de trois ans.

*Concile To-
let 4. c. 75.*

Il y a pres de mil ans que cest article a esté dressé non à Saumur, en Angleterre: mais à Toledé en Espagne l'an 635.

*Du Perron
pag. 35.*

On doit endurer toutes choses pour esuiter vn Schisme.

Pour éuiter le courroux du Pape, qui ne mâque point de boutefeux, il faut endurer que nos Roys soient esgorgez les vns apres les autres. Voyla ce que veut dire le Cardinal avec son entend-trois.

*Du Perron
ibidem.*

L'administration de la iustice a esté commise au Tiers Estat ils se doiuent tenir à cela.

Aussi font-ils. Le serment de fidelité deuë aux Roys, le chastiment des traistres qui fauorisent les pretétions de l'estranger contre leurs Rois font part de l'administration de la iustice. Et en ce point le Recteur de l'Vniuersité de Paris assisté de plusieurs Theologiens & d'autres facultez a confirmé bien amplement l'aduis au Tiers Estat le *xxi. Ianuier 1615.*

Il ne faut pas regarder ce que Iesus & ses Apostres faisoient: Car c'estoit vn temps auquel Iesus Christ vouloit planter la Foy par obéissance, par douceur & humilité. Du perron pag. 35.

Il y a de vray long-temps que les Papes & Cardinaux ne veulent pas qu'on regarde à ces exemples sacrez, leur intention estant de planter la desloiauté par rebellion, orgueil & cruauté.

L'Escripture nous predit vn autre temps auquel tous les Emperours, Rois & Princes reduits en mesme religion adoreront l'Eglise, & luy lescheront la poudre de ses pieds. Du perron pag. 35.

Ils le font en adorant Iesus Christ, & en resistant aux tyrannies de celuy qui faussement se qualifie son Lieutenant, & abuse de ce titre.

Nous sommes plus estroitement obligez au Roy que le Tiers Estat, plus gratuitement. Du perron pag. 36.

Tant plus estes vous ingrats de trahir son droit pour gratifier à l'estranger.

Nous sommes prests d'aller tous au Martyre, plustost que de faire ce serment. Du perron pag. 35. 36.

O! qu'on fait à son aise ces brauades, quand on se voit appuyé non seulement de deux cens Euesques, & deux mil Prestres, dont ce Cardinal fait bouclier, mais aussi de l'Espagne & de l'Italie. 37. 49.

Si Rauailiac, Jean Chastel, Iacques Clement eussent creu qu'ils estoient excommuniez & damnez a tous les dia- Du perron pag. 37.

bles, sans doute ils n'eussent pas entrepris leurs parricides.

Le tiers Estat n'empesche point, ains requiert, que le Clergé de son costé declare detestables tous ceux qui font de mesme contre nos Rois, soit comme Tyrans, soit sous autre couleur.

Du Perron
pag. 37.

Le Concile de Constance declare qu'aucun Tyran sous quelque pretexte que ce soit, ne peut estre tué.

Il ne parle que du Prince qu'on pretend estre Tyran: mais non du Prince qu'on pretend estre heretique, fauteur d'heretiques, excommunié. Ce sont les pretextes qu'on a pris pour tuer nos Rois.

Du Perron
pag. 37.

Tuer l'article proposé se seroit mettre la vie du Roy en plus grand hazard.

Ce peril n'estoit aucunement à craindre, si le Clergé se fut ioint aux bonnes intentions du Tiers Estat, s'il eut exhorté la Noblesse à faire ce qu'elle doit à son Roy, ce qu'elle estoit prestee de faire sans les desloyales menées du Clergé.

Du Perron
pag. 37.

C'est accuser de manquement nos premiers Loix.

A nouveaux maux, nouveau remedes. On n'auoit en France iamais veu deux Rois de suite daguez sous pretexte de religion, Mesme ce que requiert le Tiers Estat n'est nouveau qu'en la forme il a par liures expres monstre combien de Rois & Conciles en France & hors de France, ont requis en substance la mesme chose. Ce peu suffit pour refuter ce que ce Cardinal dict le dernier iour de l'an. Quant à sa harangue faicte le deuxiesme Ianuier 1615. au Tiers Estat, Monsieur le President Miron, y ayant sur le champ si doctement & solidement respondu, il n'est besoin de plus ample refutation. Le Cardinal du Perron voyant bien com-

me ses deux harangues estoient mal cousues, a taché de les rabiller par vne troisieme mise sur la presse, ou ce qu'il presse le plus, c'est de redre suspecte la fidelité du Tiers Estat, comme si elle couuoit quelque schisme, sentoît son heresie. Ainsi l'an 1589. detester Iacques Clement, c'estoit à Paris estre non suspect : mais conuaincu de schisme, d'heresie, de perfidie. Et quia aiguisé le glaiue de ce parricide, qui celuy de Rauaillac, sinõ la doctrine pour laquelle cõbat le Cardinal du Perrõ? Qui est le schismatique, l'heretique, le perfide, celuy qui seme les Rauaillacs, ou celuy qui les arrache?

Raisons pour l'oppositiõ du Clergé, & de la Noblesse à l'article du Tiers estat p. 8. & 9.

Qui plus que les Nobles est attaché à l'authorité de la dignité Royale, lesquels, comme rayons de ceste premiere lumiere & souveraine, à la moindre Eclipse de ce Soleil perdent l'entiere splendeur & esclat de leur condition?

Du Perron p. 10.

La perfidie n'a point de manteau plus fauorable que la flaterie. Et qu'elle flaterie ya il plus detestable, que celle qui donne aux Roys ce qui ne conuient qu'à Dieu, pour puis apres les ayant endormis les mettre sous les pieds d'un homme mortel, pecheur estranger?

La qualité des Cardinaux ne les peut rendre partisans qu'à ceux qui ne pretendent point de part à ceste communauté de religion.

Du Perron p. 12.

Et d'ou viennent donc les debats, dont la Cour de Rome est tousiours pleine, sur tout lors qu'il faut faire vn Pape? d'ou vient ce que le Cardinal mesme adioust, qn'un Italien fait Cardinal à la faueur du Roy de France est tenu pour François? Estant fait à la faueur du Roy d'Espagne, n'est-il pas pareillement tenu pour Espagnol? Et que sont ce donc sinon brigues de partisans, qui pour la

France, qui pour l'Espagne, qui pour l'Italie;

Ceste question est du tout hors de saison.

Du perrod
pag. 14.

Quand ceste question sera-elle de saison, sinon à present? Le Roy entrant en maiorité ne doit-il pas penser au recouurement de son Royaume de Nauarre, que le Pape Iules II. & Ferdinand Roy d'Arragon ont malheureusement volé a Iean d'Albert son tryfayeul; ne doit-il pas pouruoir a ce que les Papes sous pretextes aussi iniustes que celui de Iules deuxiesme, ne luy viennent rauir ce qui luy reste soit en Nauarre, soit en France? Les bons François voyans le Roy tenir ses Estats ne doiuent ils pas pouruoir aux moyens legitimes, pour empêcher qu'on ne traite nostre Roy comme on a fait ses deux predecesseurs Henry troisieme & quatrieme? Les monstres qui les ont assassinez, sur quoy fondez l'ont-ils fait, sinon sur la doctrine infernale, dont le Tiers Estat demande la condamnation? Quand est-il temps de condamner vne doctrine si pestilencieuse, sinon lors qu'on en sent les effects pernicioeux, la playe estant encore toute sanglante? Les Iesuites triomphent sur le tombeau de nos Roys, maintiennent a corps & a cry leur doctrine a nul royaume plus funeste qu'au nostre, & nous n'oserions leur imposer silence? Ils recueillent a plaines mains les fruiets de nos miseres, & ceux qui taschent d'arrester le cours de leur audace, sont condamnez comme importuns, comme faisans les choses hors de saison. Le bas age du Roy que l'on prend pour pretexte, c'est ce qui fait la chose de saison autant ou plus qu'en aucun autre temps. Plus le Roy est ieune, moins pourroit-on se prendre a luy d'un arrest que ses

Estats, ses Parlemens, auroient fait pour la feureté de son Estat & de sa personne. Il n'y a que la perfidie de ceux qui luy sont plus obligez qui rendent la chose hors de saison.

*C'est chercher noise que de vouloir en quelque maniere que Du Perron
ce soit faire choquer ces deux puissances, sçavoir celle du pag. 17.
Roy & celle du Pape.*

Ce n'est point les faire choquer : mais c'est desensforceler les hōmes, ausquels les pertisans du Pape font croire que la puissance spirituelle du Pape a droit de choquer la puissance temporelle des Rois. Guarissez les François de ceste fausse opinion, iamaïs le Pape ne choquera la France : mais tandis qu'il y aura dans la France des imposteurs, qui osent maintenir les fausses pretentions du Pape, qui les fomentent comme problematiques, le Pape choquera nos Rois toutes & quantes fois qu'il croira le pouuoir faire à son aduantage.

*La puissance des Papes n'est point pour opprimer les Rois Du Perron
Chrestiens. pag. 19.*

Elle ny deuroit point estre, donc elle ny est point quel paralogisme?

*Vviclef, Luther, &c. soumettent entierement l'authorité Du Perron
des Rois, le iugement de leurs actions, & leur condamnation à la puissance de leurs subiects. pag. 12.*

C'est vne calomnie. Eux & nous avec le Tiers Estat nous recognoissons tous que les Roys sont tellement souuerains, qu'il n'y a aucun homme mortel, de quel que puissance ou qualité spirituelle ou temporelle qu'il soit, qui puisse leur commander, beaucoup moins les déposer, les frapper. Mais Vviclef, Luther, &c. croient que la violence d'un Roy pourroit estre si excessiue contre plu-

seurs milliers, contre plusieurs millions de leurs subiects, qu'en ce cas on pourroit aduiser aux remedes legitimes pour arrester le cours d'un debordement si preiuciable au Royaume & au Roy mesme. Ceste question n'a rien de cōmun avec l'article du Tiers Estat, & pourtāt n'est besoin de s'arrester à ceste malicieuse & calōnieuse recrimination.

Note le lecteur que l'Imprimeur ayant acheuē d'assembler ce discours on m'a apporté le docte liure que le Roy de la grande Bretagne a fait contre Monsieur du Perron, d'ou appert qu'outre les trois harangues susmentionnees de ce Cardinal, (voire si troisieme est de luy) il en a faicte vne quatrieme, qui est celle que sa Majesté d'Angleterre refute tres-solidement. Tant ce Docteur problematique s'est affectionné au desseruice de son Roy, & persuader aux autres ce qu'il ne creut iamais. Si i'eusse receu plustost l'excellente responce que luy a daigné faire sa M. d'Angleterre, ie n'eusse point entrepris de l'attaquer apres vn si grand Roy, qui n'a besoin de second. C'est pourquoy ne sera besoin de mettre en aduantage. Cependant ie loue Dieu de voir que nostre Roy soit secouru de ses voisins, pendant qu'il est trahy par ses subiects, & m'esiouy de voir mes defauts suppléez par vne si puissante main. O que si plusieurs autres Roys auoient, sinon la mesme capacité pour escrire, au mains la mesme volonté pour escouter & peser à bon escient les choses qui importent à leur Estat, & à leur salut, comme soudain s'en iroient en fumées les brauades de Babel & les piperies de ses Aduocats.

FIN.



